

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava planiranih u Budžetu Zeničko-dobojskog kantona za 2023. godinu na poziciji „Kapitalni transferi drugim nivoima vlasti - za zdravstvo“, broj: 02-11-17500/23 od 23.11.2023. godine, na prijedlog Ministarstva zdravstva, Vlada Zeničko-dobojskog kantona, na 8. sjednici, održanoj dana 21.12.2023. godine, d o n o s i

ODLUKU

o odobravanju sredstava JU Dom zdravlja „Prim. dr. Mijo Grgić“ Usora za nabavku RTG aparata

Član 1.

(Predmet)

(1) Odobravaju se sredstva JU Dom zdravlja „Prim. dr. Mijo Grgić“ Usora u iznosu od 200.000,00 KM (slovima: dvijestotinehiljada konvertibilnih maraka) za nabavku RTG aparata.

(2) Obavezuje se JU Dom zdravlja „Prim. dr. Mijo Grgić“ Usora da okonča postupak javne nabavke u skladu sa Zakonom o javnim nabavkama („Službeni glasnik Bosne i Hercegovine“, broj: 39/14 i 59/22) i podzakonskim aktima koji su doneseni u skladu sa zakonom.

(3) Ukoliko nakon provedenog postupka javne nabavke ugovoreni iznos bude veći od iznosa iz člana 1. stav (1) Odluke, Ministarstvo zdravstva će finansirati iznos odobren Odlukom, a preostali iznos će finansirati JU Dom zdravlja „Prim. dr. Mijo Grgić“ Usora iz vlastitih sredstava.

Član 2.

(Analitička konta)

(1) Sredstva iz člana 1. ove odluke isplatit će se iz Budžeta Zeničko-dobojskog kantona za 2023. godinu („Službene novine Zeničko-dobojskog kantona”, broj: 3/23) sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 615100, pozicija „Kapitalni transferi drugim nivoima vlasti - za zdravstvo”.

(2) Sredstva odobrena Odlukom će se u ukupnom iznosu transferisati na žiro-račun JU Dom zdravlja „Prim. dr. Mijo Grgić“ Usora broj: 1549995000471206 otvoren kod Intesa Sanpaolo banke, na osnovu ove odluke.

Član 3.

(Provođenje Odluke)

Za provođenje ove odluke zadužuju se Ministarstvo zdravstva, Ministarstvo finansija i JU Dom zdravlja „Prim. dr. Mijo Grgić“ Usora, svako u okviru svoje nadležnosti.

Član 4.

(Izvještavanje)

(1) Obavezuje se JU Dom zdravlja „Prim. dr. Mijo Grgić“ Usora da do 15.02.2024. godine izvijesti Ministarstvo zdravstva o statusu predmetne nabavke.

(2) JU Dom zdravlja „Prim. dr. Mijo Grgić“ Usora je dužna izvijestiti Ministarstvo zdravstva o namjenskom utrošku sredstava, dostavljanjem ugovora o nabavci nakon okončanja postupka javne nabavke, fakture dobavljača sukladno zaključenom ugovoru o nabavci i dokaza o uplati sredstava dobavljaču.

(3) U slučaju neizvršavanja ugovorenih obaveza u ugovorenim rokovima JU Dom zdravlja „Prim. dr. Mijo Grgić“ Usora dužna je odmah izvijestiti Ministarstvo zdravstva.

(4) U slučaju nepostupanja prema članu 4. stav (1), (2) i (3) ove odluke, JU Dom zdravlja „Prim. dr. Mijo Grgić“ Usora je dužna odobrena sredstva uplatiti u korist Budžeta Zeničko-dobojskog kantona.

Član 5.
(Stavljanje van snage)

Donošenjem ove odluke stavlja se van snage Odluka Vlade Kantona o odobravanju sredstava JU Dom zdravlja „Prim. dr. Mijo Grgić“ Usora za nabavku RTG aparata („Službene novine Zeničko-dobojskog kantona“, broj: 10/23).

Član 6.
(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

PREMIJER

Nezir Pivić

Broj: 02-11-19089/23

Datum, 21.12.2023. godine

Z e n i c a

DOSTAVLJENO:

1x Ministarstvo zdravstva,

1x Ministarstvo finansija,

1x JU Dom zdravlja „Prim. dr. Mijo Grgić“ Usora, putem Ministarstva,

1x „Službene novine Zeničko-dobojskog kantona“,

1x a/a.